

Evening Dogri News Bulletin

13 January 2025 18:15 Hrs

Headlines

- प्रधानमंत्री नरेंद्र मोदी होरें सोनामर्ग सुरंग दा उद्घाटन कीता। उनें आखेआ जे ओहू कीते गेदे वायदे जरूर पूरा करदे न ते स्हेई समें पर हर स्हेई फैसला लैता जाग।
- मुख्मन्त्री उमर अब्दुल्ला होरें प्रधानमंत्री नरेंद्र मोदी होरें गी आग्रह कीता जे ओहू जम्मू-कश्मीर दा राज्य दा दर्जा बहाल करने दा वायदा बी पूरा करन।
- त्रौनें सेनाएं दे प्रमुख रक्षा अध्यक्ष सी.डी.एस अनिल चौहान होरें आखेआ ऐ जे भारत दा युवा विकसित भारत बनाने च महत्वपूर्ण योगदान देने लेई तैयार ऐ।
- प्रयागराज महाकुम्भ दे पेहले रोज ... कोला मते श्रद्धालुएं संगम दे बक्ख-बक्ख घाटें पर पवित्र चलोबी लाई।
- जम्मू-कश्मीर च 19 जरवरी तगर मौसम आम तौरा पर खुशक रौहने दी संभावना ऐ।

<><><><><><>

PM-Inaguration

प्रधानमंत्री नरेंद्र मोदी होरें अज्ज कश्मीर दे गांदरबल जिले च बड़ी मती महत्वै आहली सोनमर्ग सुरंग दा उद्घाटन कीता ते इसी देसै दे निमित्त कीता। इस मौके पर शिडक यातायात सरबन्धी केंद्री मंत्री नितिन गडकरी, केंद्री राज्यमंत्री डॉ. जतिंद्र सिंह, उपराज्यपाल मनोज सिन्हा ते मुख्मन्त्री उमर अब्दुल्ला सने होरनें नेता बी उत्थे मौजूद हे। प्रधानमंत्री होरें सुरंग दे अंदर

जाइयै एहदा निरीक्षण बी कीता। एहद सुरंग भलेआं अज्जै-कल्लै दियें तकनीकें कन्नै लैस ऐ ते एहदे कन्नै लहाख जाने लेई शिडक यात्रा होर बी सखल्ली होई जाग। एहदे कन्नै बपार ते सैलसफा च बी बढ़ावा थ्होग। तोआई, बडे मते महत्वै आहली सोनमर्ग सुरंग दा उद्घाटन करने परैंत प्रधानमंत्री नरेंद्र मोदी होरें आखेआ जे जम्मू-कश्मीर दे लोकें कन्नै कीते गेदे वायदें गी ओह पूरा करडन ते सेही चीजां सेही समें पर होडन। उनें एह गल्ल मुखमंत्री उमर अब्दुल्ला हुंदे आसेआ अपने संबोधन च जम्मू-कश्मीर लेई राज्य दा दर्जा परतियै बहाल करने दी गुजारिश दे पच्छौकडे च आक्खी।

प्रधानमंत्री नरेंद्र मोदी होरें अगगे आखेआ जे जम्मू-कश्मीर मुल्लै दे सिर दा ताज ऐ ते ओह चाहंदे न जे एह म्हेशां गै खुशहाल ते सनाखडा रवै। तोआई, इस मौके पर बोलदे होई उपराज्यपाल मनोज सिन्हा होरें इस गल्लै पर जोर पाया जे इस सुरंग कन्नै सोनमर्ग च सैलसफा खेत्तर गी बढ़ावा थ्होग ते एह स्यालै आहले सैलसफे लेई बडा बदलाव आहने आहली साबित होग। उपराज्यपाल मनोज सिन्हा होरें आखेआ।

<><><><><><>

CM-Statehood

मुखमंत्री उमर अब्दुल्ला होरें अज्ज प्रधानमंत्री नरेंद्र मोदी होरेंगी गुजारिश कीती ऐ जे ओह जम्मू-कश्मीर गी राज्य दा दर्जा परतियै बहाल करने दा अपना वायदा पूरा करन। अज्ज सोनमर्ग सुरंग दे उद्घाटन परैंत अपने संबोधन च मुखमंत्री उमर अब्दुल्ला होरें प्रधानमंत्री नरेंद्र मोदी हुंदी सिफ्त करदे होई आखेआ जे प्रधानमंत्री होरें लगातार त्रीये कार्यकाल दौरान

प्रधानमंत्री हुंदा ओहदा साम्भने परैंत श्रीनगर च दित्ते गेदे अपने भाषण च कीते गेदे 3 वायदें शा 2 वायदे पूरे कीते ना। इस मौके पर मुखमंत्री होरें आखेआ।

एहदे शा पैहले मुखमंत्री होरें अपने भाषण दी शुरूआत पिछले बरे अक्तूबर म्हीने गगनगीर च होए दे इक हमले च 7एं लोकें दी जान चली गई ही जिंदे च इक डॉक्टर बी शामिल हा। उनेंगी चेत्ता करदे होई कीती।

<><><><><><>

CDS-NCC

त्रौने सेनाएं दे प्रमुख रक्षा अध्यक्ष सीडीएस अनिल चौहान होरें अज्ज आखेआ ऐ जे देसै दे नौजवान 2047 तगर भारत गी इक विकसित मुख बनाने च महत्वपूर्ण योगदान देंगन। अज्ज नमीं दिल्ली च राष्ट्रीय कैडिट कोर यानि एनसीसी दे गणतंत्र दिवस शिविर च कैडेटें गी संबोधित करदे होई जनरल चौहान होरें आखेआ जे पूरे बरे दरान एक पेड मां के नाम अभियान तैहत इक लख कोला मते बूहटे लाने लेई एनसीसी कैडेटें दा महत्वपूर्ण ते सराहनेजोग योगदान रेहा ऐ। सी.डी.एस होरें आखेआ जे पुनीत सागर अभियान दे तैहत एनसीसी कैडेटें 327 टन कचरा हटाइयै समुंद्र दे कंडें दी सफाई कीती ते पिछले बरे अंतरराष्ट्रीय योग दिवस आहले रोज 10 लख कोला मते कैडेटें हिस्सा लैता। उनें नौजवान कैडेटें गी आखेआ जे उनेंगी कुसै दी कठिनाई जा चुनौती च हार नेही मननी लोडचदी ते राष्ट्र निर्माण दिएं गतिविधिएं च बधी चढिए हिस्सा लैना चाहिदा।

<><><><><><>

Army-Chief Breifing

Mahakumbh

दुनिया दा सब्बने शा बड्डा आध्यत्मिक ते संस्कृतिक किट्टु यानि महाकुंभ पौह म्हीने दी पुन्नेया दे मौके पर अमृत स्नान दे कन्नै अज्ज प्रयागराज च शुरू होआ। हुनै तोड़ी तकरीबन 60 लक्ख श्रद्धालुएं अज्ज पवित्तर नदियें गंगा, जमुना ते सरस्वती दे संगम आहली थाहर यानि त्रिवेणी संगम दे बक्ख-बक्ख घाटें पर स्नान करी लैता ऐ ते मेद बुज्झी जारदी ऐ जे अज्जै दे दिन तकरीबन डेढ करोड़ लोक संगम दे बक्ख-बक्ख घाटें पर स्नान करडन। महाकुम्भ दा एह त्यौहार 26 फरवरी गी महा शिवरात्रि तगर जारी रौहंगं 144एं बरें च इक बारी होने आहले इस दुलर्भ खगोलीय संरचना इस बारी दे महाकुम्भ गी मता खास बना करदी ऐ। महाकुम्भ दौरान श्रद्धालुएं लेई इक बदिया ते आध्यात्मिक अनुभव यकीनी बनाने लेई उत्थें सब्बै लोडचदे प्रबंध कीते गेदे न।

<><><><><><>

GMC-Udh

दुनिया दे किश मुखें ते भारत च बी एच.एम.पी.वी दे किश माले सामने औने दे बाद सरकारी मेडिकल कालेज उधमपुर आसेआ बी कुसै बी स्थिति कन्नै निब्बडने लेई तैयारियां कीतियां जा करदियां न। कोविड महामारी दौरान उत्थे 3000 ते 1000 लीटर क्षमता दे 2 2 आक्सीजन प्लांट जिंदे चा इक दी मरम्मत कीती जा रदी ऐ, अजे की जिले च एच.एम.पी.वी लागै दा कोई मामला सामने नेही आया ऐ पर एहतियात दे तौरा पर इंतजाम कीते जा'रदे न। होर मती जानकारी कन्नै स्हाडे जिला संवाददाता।

<><><><><><>

Kho-Kho World Cup

खो खो विश्व कप 2025 अज्जै थमां नमीं दिल्ली दे इंदिरा गांधी इंडोर स्टेडियम च शुरू होने जा' रदा ऐ। भारतीय ओलंपिक संघ आस्सेआ आयोजित इस विश्व कप दे उद्घाटनी सत्र च मर्दे दियां 20 ते 19 महिला टीमां हिस्सा लैगन। खो खो फेडरेशन ऑफ इंडिया नै मर्दे ते महिलाएं दिएं प्रतियोजिताएं लेई 15-15 खडारिएं आलिएं टीमें दी घोशणा कीती दी ऐ। प्रतीक वायकर दी अगुवाई आली भारती मर्दे दी टीम नेपाल, पेरू, ब्राजील ते भूटान सनें ग्रुप "ए" च ऐ जिसलै जे भारत दी महिला टीम जेह्दी कप्तानी प्रयांका इंगले करा करदियां न, ओह्दे सनें ईरान, मलेशिया ते कोरिया गणराज्य दियां टीमां बी महिलाएं दे ग्रुप "ए" च रखियां गेदियां न। चौनें ग्रुपें चा अब्बल दऊं टीमां क्वाटर फाइनल च जांगन जिसलै जे फाइनल मकाबले 19 जनवरी गी होंगन। भारती मर्दे दी टीम अपने अभियान दी शुरूआत अज्ज रातीं साढे 8 बजे नेपाल खलाफ खेडदे होई करगंन।

<><><><><><>

Weather

जम्मू कश्मीर च औने आले किश दिनें दरान मौसम साफ ते खुशक रौहने दी मेद ऐ। मौसम विभाग नै आखेआ जे औंदी 19 तरीक तगर मौसम च कुसै बड्डे बदलाव दी मेद नेई ऐ। उआं कश्मीर संभाग दिएं किश उच्चिएं धारें पर औंदी 16 तरीक गी हौली बर्फबारी होने दी मेद ऐ। एह्दे अलावा खित्ते च औने आले दिनें दरान मौसम दा हाल इयै नेहा गै रौह्ग। तोआई जम्मू श्रीनगर राश्ट्रीय जरनैली सडक एनएच-44 पर गड्डिएं दी आओजाई दौनें बक्खी दा जारी ऐ। लोकें गी सलाह् दित्ती गेई ऐ जे ओह् दिनें गै पूरे अनुशासित ढंग्गै कन्नै सफर करन। उआं ऐतिहासिक मुगल रोड अजें बी गड्डिएं दी आओजाई लेई अजें बी बंद ऐ।

<><><><><><>